

FOLASAGA MO LE FAIAOGA

Ina ia e saunia faaleagaga e aoao atu lenei lesona, faamolemole ia faitau ma mafaufau loloto i mea nei:

O le tasi o faamanuiaga silisili o le ata o le faaolataga o le avanoa lea e maua ai tino faaletino. E finagalo le Alii ia tatou faaaloalo i o tatou tino ma tausii lelei. Na te faamanuiaina i tatou pe a tatou faia faapea (tagai 1 Korinito 3:16; MFF 89:18–21).

GAOIOIGA E AOA O AI

Amata i se gaoioiga faapotopoto. Mo manatu, tagai i le itulau 3.

Tatalo Valaaulia se tamaitiiti e faia le tatalo amata.

Ata Ta'u i tamaiti na aumai e le Tama Faalelagi o tatou tino, ma e mafai ona tatou faia le tele o mea matagofie i o tatou tino. Faaali atu le ata o i le itulau 46. Faasino tagata taitoatasi o le aiga o loo i le ata; a e tusi i le pepe, fesili atu ni fesili e pei ona lisi atu i lalo. A maea fesili taitasi, valaaulia tamaiti tou te tali faatasi i le fai mai “Leai” a o matua lulu malosi lou ao mai lea itu i lea itu.

- E mafai ona savali se pepe?
- E mafai ona tautala se pepe?
- E mafai e se pepe ona togi se polo?

Ta'u i tamaiti na i ai le taimi na pepe ai i latou, ae o lea ua ola ma ua matutua.

Pese Ia faatutu i luga tamaiti. Usu pe fai upu ia i le fati o le “Sa I Ai Se Tamaloa Aisa” (*Tusipese a Tamaiti*, 121) ma faia taga o loo i lalo. Valaaulia tamaiti tou te faia faatasi

Sa avea a'u ma pepe, pepe, pepe. (*faafoliga o loo luelue pepe i lima*)

Sa avea a'u ma pepe, laitiiti. (*faasolosolo lava seia faatu i lalo*)

Lea ua ou matua, matua, matua. (*faasolosolo lava seia tu sao i luga*)

Lea ua ou matua, ma umi! (*aapa lima i luga o le ulu*)

Ata Toe faaali atu le ata ma tusi i le tamaitiiti laitiiti o loo taaalo ma lona tama. Fai i tamaiti o lenei tamaitiiti e tai tutusa lo latou matutua. Fai i tamaiti fesili e pei ona lisi atu i lalo. A maea fesili taitasi, valaaulia tamaiti tou te tali faatasi mai “Ioe” a o matuai lue lou ulu.

- E mafai ona e savali? (*ia savavali tamaiti i o latou tulaga*)
- E mafai ona e tautala? (*faitau faatasi ma tamaiti e tau i le lima*)
- E mafai ona e togi se polo? (*ia faafoliga o loo togi se polo ma sapo*)

Fai i tamaiti ua faasolo ina matutua ona o loo latou aai i meaai lelei, momoe ma malolo, ma taele e mama ai.

MOTUGAAFA
FAAFAIAOGA

Manatua: A o faia le lesona, ia nofouta i lagona o soo se tamaitiiti i lau vasega pepe e o le atoatoa le malosi. Atonu e manaomia ona e suia fesili e te tuuina atu i le taimi o gaoioiga i ata. Taulai atu i mea e **mafai** ona faia e tamaiti, ae le o mea e le mafai ona latou faia. Mo nisi faamatalaga e faatatau i le aaoaina o i latou e le atoatoa le malosi, tagai O le Aoa Atua, E Leai Se Isi Valaauga e Sili Ai, 40–41.

Faatinoga faaitaitai: Atonu e le iloa e tamaiti laiti le faiga o nisi o faatinoga o loo fautua mai i le gaoioiga faatinoga faaitaitai. E fai ma se isi suiga, e mafai ona e valaaulia i latou e tusi i itu eseese o lo latou tino. Mo se faaitaitaiga, tusi i lou fofoga ma faapea atu, “O lo'u gutu lea. E mafai ona e faaali mai ia te a'u lou gutu?” Patipati ou lima ma vivii tamaiti. Toe fai le faiga lava lea mo isi vaega o le tino.

Faatinoga Faataitai Faaali atu le ata tusi o i le itulau 47. Tusi i le teine o loo moe i le ata ma faamalamalama atu o le moe o se tasi lea o auala e tausi ai o tatou tino. Valaaulia tamaiti e faafoliga o loo momoe. Toe fai mo isi ata o loo i le ata tusi.

Faaiuga Faailoa atu lou agaga faafetai mo tino ua aumai e le Tama Faalelagi mo i tatou. Valaaulia tamaiti e fai mai, “O le a ou tausia lelei lo’u tino,” fai auauai ni nai upu i le taimi.

Tatalo Valaaulia se tamaitiiti e faia le tatalo faaiu.

GAOIOIGA E FILIFILI AI


SAUNIUNIGA *Mo le taaloga taumatemate:* Aumaia ni meaai maloloina se tolu pe fa, e pei o fualaau aina suamalie ma fualaau mata fai supo, i luga o se ipu mafolafola. Aumai se mea e ufiufi ai le ipu meaai, e pei o se ie tele.

Mo le gaoioiga valivali: Kopi le ata tusi o i le itulau 47 mo tamaiti taitoatasi e valivali.

Taaloga taumatemate Faaali atu i tamaiti le ipu meaai. Tusi i aitema taitasi, ma fesoasoani i tamaiti e ta’u o latou igoa. Ufiufi meaai i se ie; ona aveese lea o se aitema se tasi ma aveese le ie. Valaaulia tamaiti e mate po o le a le aitema lea ua misi. E sili ona aoga le gaoioiga lea mo tamaiti matutua.

Fuaiupu o Gaoioiga Tauloto le fuaiupu o gaoioiga lea ma valaaulia tamaiti tou te faia faatasi:
O si alii lea ua alu i le moega. (*sii le tamatamai lima e tasi*)
Taatia lona ulu i luga o le aluga. (*tuu le tamatamai lima i luga o le alofilima o le isi lima*)
Pulupulu mau lona palanikeke, (*fusi le tamatamai lima i le isi alofilima*)
Ma moe faapea i le po atoa.
Ua sau le ao ua pupula ona mata.
Ua ato ese ona ie mafanafana. (*tatala le lima ae faaali mai le tamatamai lima o loo malolo*)
Nofo vave i luga fai ofu ma alu loa, (*faatua i luga le tamatamai lima*)
Sauni e ataata, galue, ma taalo i le aso atoa.

Valivali Ia valivali e tamaiti se kopi o le ata tusi o i le itulau 47. A o valivali i latou, faamamafa atu o loo faaali mai i le ata tusi ia auala e mafai ona tatou tausia ai o tatou tino.



MOTUGAAFA FAAFAIAOGA

O gaoioiga e filifili ai e te maua ai le avanoa e faamalieina ai manaoga o tamaiti i lau vasega. E mafai ona e filifili e fai soo se gaoioiga pe fai uma foi, ma e mafai ona e faia ma saga fai soo se gaoioiga pe a e mana'o ai. Filifili gaoioiga o le a fiafia i ai tamaiti ma fesoasoani ia i latou e a'oa'oa ai. Pule oe i le fetuunaiga o gaoioiga ia talafeagai ma o outou tulaga ma manaoga.

Valivali: E le o tamaiti uma e fiafia e valivali. O nisi e na ona fai lava o se faailoga se tasi pe lua i luga o le pepa. Ae e mafai pea ona latou a'oa'oa mai i le ata, e tusa lava pe latou te le faaaluina se taimi tele e valivali ai.



O Le a Ou Tausia Lelei Lo'u Tino

